

سر محرری : مصطفی فوزی

ساحب امتیاز و مدیر مسئول حسن کاظم

ملت عثمانیه امت اسلامیة ایچون منید اولان آثار  
عینلر من آچیقدر درج ایدیلان اوراق اعاده ایدیلر.اداره خانه - استانبول باب عالی جوارنده  
ابوالسمود جاده سی نومروه ۷ احباب سراجاته  
هر ساعت آچیقدر

# حجره ایضو فییه

شمذیلک هفتنه ده بر نشر اولنور

تاریخ تاسیسی ۱۳۲۷ سنه هجری  
سنه لک اعتباریله مملک شامانه ایچون پشین  
اولدوق ۴۰ الی آیلنی ۲۵ غروش و مملک  
اچییه ایچون ۱۵ فراتقدر .

نسخه سی ۱ غروشدر

تصوفی ، دینی ، اخلاقی ، ادبی ، سیاسی جریده اسلامیة در

نومروه ۱۳۳

## ولادت سنیة حضرت رسالتپناهی

اشبو ربیع الاولک اون ایکنجی بخشنه کیجه می سبب خلقت  
کائنات مفعز کافه موجودات ، نباهت افزای تشریف منیف (لولاک) ،  
کرامت پیرای خطاب عزت انصاف (وما ارسلناک) ، منبع علم و عرفان  
ازل ، خبیب خدای لم یزل افندیز حضرت تلیتک مشیمه پاک جناب  
(آمنه) دن نور افزای عالم شهود اولدوقلری شب فرخنده فال مسمدت  
اشماله مصادف اولمقه بالعموم جوامع و مساجد شریفه منارلری قنادیل  
ایله تزین اولندیکی کی دروننده انواع عبادات و طاعات ایفا و بوانشاده  
خلافت مقدسه اسلامیه و دولت ابدیمدت عثمانیه لک تعالی بنان و شوکتی  
وعسا کر منصوره اسلامیه لک توالی مظفریت و موفقیی دطاسی یادونکرار  
قلمش و روحانیت جلیله پیغمبریدن استمداد ایدلمشدر.

## ولادت باسعادت حضرت رسالتپناهی

مفعز انس و مملک . مهر فلک . فخر جهان  
اولدی تشریف قدوسی غبطه بخش آسمان  
طارم مینای تترندی سیرابا مقدمی  
عالم قدسیکن اولدی بزم انسی همدی  
فینس جسمانی بیتی بشری کاجه عالمه :  
واجب اولدی ترک جنبت . درک منت آدمه  
روح بانی مصدر ارواحدر بالابتدا  
جسم خاکی مظهر اشباحدر بالانتها  
ای گروه انبیانک خاتم فخر آوری  
[ واقف علم لدن ] سک انس و جن پیغمبری  
ایل مولودک مقدس لیلہ اشراقدر  
نومروس ابتهالاک جمله اشفاقدر

مدت آقصرده جولان ایلدک بر چوق بری  
قابل خرق ابتدی معراجی بوتون کوکبری

مفعز اتسکدن نمونه انشاق بدر تمام

اختلالات نجومی بوزمعدن بایدک تمام

جمله ادبانی ( قرآن ) ک کوزل تکمیل ایدر

مفعزاتک آیت کبرانی تشکیل ایدر

بر تفکر شرعی تصدیقه عقلی بر دلیل

بر تدبر ، حقکی تسلیمه کافی بر سبیل

ای ضیای نا افول : ( ای رحمة للعالمین ) !

طوغدینک دم غرق نور ابتدی سمنواتی ، زمین .

آسمان رقصان کسبیدی مزده تشریفدن

اولدی علوی ارضی سفلی بویله بر تلمییدن

آلتی کوندم ابتدی حق بنیان اکوای بنا

دست قدرت خلق ایدرکن ، خاکه ویدی اعتنا

فرق سکز ساعتده ابداع ابتدی مولا کوکبری

دورت گون ابتدی حصر وقت اکل ایچون لکن بری

ماشقک معشوقنه البته لطفی یوقیدر

بر اقامتگاهنی تنظیم ایدرسه چوقیدر

حکمت اسبابی تقدیر ایلین صاحبکمال

کشف ایدر بر کون نقاب احتیجایی بی ظلال

یا الهی سودیکک اول ذات پاک عشقنه

آتش عشقیله جان و جسمی پارلات شوقنه

یا الهی یا الهی یا الهی یا الهی !

عفو و لطفکدر پناه ایتنه مده هر دم . بیک گناه .

یاغسون دو زخدهده دلایله بانمش بر وجود :

باب نه ایسترسه ک قولک وحی ، سنکدر باودود

سازای یار رجب وحی